



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCII. ad annum CCCCXXX.

Parisiis, 1644

VI. Quod omnis sancta cogitatio, & motus piae voluntatis ex Deo sit.

urn:nbn:de:hbz:466:1-14918

piscorum nostrorum conscientiam uniuersa retulimus. Hunc autem sermonem, sincerissimæ veritatis luce radiantem, tanto Afri episcopi honore venerati sunt, ut ita ad eumdem virum rescriberent. *Illud vero quod in literis, quas ad uniuersas prouincias curasti esse mittendas, posuisti dicens:* Nos tamen instinctu Dei, & cetera: *sic accipimus dictum, ut illos, qui contra Dei adiutoriorum extollunt humani arbitrii libertatem, districto gladio veritatis, velut cursim transiens, amputares.* *Quid enim tam libero fecisti arbitrio, quam quod uniuersa in nostræ humilitatis conscientiam retulisti?* Et tamen instinctu Dei factum esse fideliter sapienterque vidisti, veraciter fidenterque dixisti. Ideo utique, quia preparatur voluntas a Domino, & ut boni aliquid agant, paternis inspirationibus suorum ipse tangit corda fidelium. *Quotquot enim spiritu Dei aguntur, hi filii Dei sunt: ut nec nostrum deesse sentiamus arbitrium, & in bonis quibusque voluntatis humanæ singulis motibus, magis illius valere non dubitemus auxilium.*

VI.

Quod ita Deus in cordibus hominum, atque in ipso libero operetur arbitrio, ut sancta cogitatio, pium conſilium, omnisque motus bonæ voluntatis ex Deo sit, quia per illum aliquid boni possumus, sine quo nihil possumus. Ad hanc enim nos professionem idem doctor instituit, qui cum ad totius orbis episcopos de diuinæ gratiæ opitulatione loqueretur: *Quod ergo tempus, ait, interuenit, quo eius non egeamus auxilio? In omnibus igitur actibus, causis, cogitationibus, motibus, adiutor & protector orandus est.* Superbum est enim, ut quidquam sibi humana natura presumat, *damante Apostolo: Non est nobis colluctatio aduersus carnem & sanguinem, sed contra principes & potestates aeris huius, contra spiritualia nequitia in cælestibus.* Et sicut ipse iterum dicit: *Infelix ego homo, quis me liberabit de corpore mortis huius?* Gratia Dei per Iesum Christum Dominum nostrum. *Et iterum: Gratia Dei sum id quod sum, & gratia eius in me vacua non fuit,* sed plus illis omnibus laboravi. Non ego autem, sed gratia Dei tecum.

Zosimus in
ead. episto-
la, quæ non
extat.

Ephes. 6.

Rom. 7.

Cor. 15.

Illud etiam, quod intra Carthaginensis Synodi decreta constitutum est, quasi proprium apostolicæ sedis decre-

Episcopo-
rum cxiv.
anno 418.

Concil. Tom. 4.

○○○